

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10.stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-1458-2/17. od 23.10.2017.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)
2. **ADVOKAT SAMIR ČENGIĆ iz Sarajeva, ul. Pruščakova br.14**, registrovan kod Advokatske komore FBiH, Regionalna advokatska komora Sarajevo, broj: 792/12 od 19.12.2012.god., identifikacijski broj kod Porezne uprave FBiH Kantonalni ured Sarajevo 4302072970005, (u daljem tekstu: Izvršilac usluga)

Dana 24.10.2017.godine, u Sarajevu zaključuju

UGOVOR O ZASTUPANJU I PRUŽANJU PRAVNE POMOĆI

Član 1.

Predmet ovog Ugovora je regulisanje međusobnih odnosa povodom zastupanja i pružanja pravne pomoći za potrebe Ugovornog organa od strane Izvršioca usluga do vrijednosti 6.000 KM bez PDV-a.

Ugovor se zaključuje na osnovu člana 28. Tarife o nagradama i naknadi troškova za rad advokata („Službeni list FBiH“ broj: 22/4 i 24/04).

Član 2.

Izvršilac usluga se obavezuje da će prema Zakonu o advokaturi, savjesno, stručno, a prema zakonima i drugim propisima u BiH zastupati interese Ugovornog organa, koji su u neposrednoj vezi sa pravnim poslovima, i to:

- usmena pravna mišljenja i pravni savjeti,
- pismena pravna mišljenja i pravni savjeti,
- učestvovati u predlaganju najboljih normativnih rješenja kod Ugovornog organa, koji proizilaze iz zakona i drugih propisa.

Član 3.

Ugovorne strane su se sporazumjele da će Izvršilac usluga zastupati Ugovornog organa u radnom sporu koji se vodi pred Općinskim sudom Sarajevo, i to – broj:

1. 65 0 Rs 536031 15 Rs.

Ugovorne strane su se sporazumjele da Izvršilac usluga ima pravo naplate troškova za preduzimanje parničnih radnji u sudskom postupku navedenom u prethodnom stavu ovog člana od strane Ugovornog organa, i to nakon svake obavljene parnične radnje, sve po ispostavljenoj fakturi shodno važećoj advokatskoj tarifi.

Član 4.

Ugovorne strane su se saglasile da prijedlozi i mišljenja Izvršioca usluga nisu obavezujući za Ugovornog organa. Isključivo pravo angažovanja advokata pripada direktoru Ugovornog organa, ili uposleniku Ugovornog organa kojeg ovlasti direktor.

Za angažovanje advokata-Izvršioca usluga, Ugovorni organ se obavezuje izdati urednu punomoć, kao punomoćniku za izvršavanje pravnih poslova.

Član 5.

Izvršilac usluga nije ovlašten za potpisivanje bilo kakvih dokumenata kojima se stvaraju materijalne obaveze za Ugovorni organ, izuzev onih koji se odnose na konkretne radnje u postupku koji se vodi u interesu Ugovornog organa i za koje je on zakonom ovlašten.

Izvršilac usluga nema pravo potpisivanja za Ugovornog organa i ovjere potpisa pečatom Ugovornog organa, osim u onim slučajevima u kojima je to na poseban način precizirao Ugovorni organ.

Član 6.

Izvršilac usluga je obavezan da čuva poslovnu tajnu Ugovornog organa.

Izvršilac usluga je dužan blagovremeno obavještavati ugovorni organ o svim preduzetim pravnim radnjama u postupcima iz člana 3. ovog Ugovora.

Član 7.

Ugovorne strane su se sporazumjele da će Ugovorni organ na ime nagrade za rad Izvršioca usluga, pod uslovima iz člana 2. i člana 3. ovog Ugovora, istom isplatiti svaku obavljenju parničnu radnju, na njegov račun broj 3386902296422735 otvoren kod UniCredit bank d.d. Sarajevo, a u roku od 15 dana od dana dostavljanja fakture od strane Izvršioca usluga, ispostavljene u skladu sa važećom advokatskom tarifom.

Član 8.

Ugovorne strane su saglasne, a imajući u vidu karakter usluge, da će sva eventualna nejasna i sporna pitanja isključivo sporazumno rješavati.

Ugovorne strane su saglasne da svaka od njih može u svako vrijeme otkazati ovaj Ugovor, ali ne i u vrijeme kome bi konkretno otkazivanje Ugovora izazvalo posljedice za neku od ugovornih strana.

Član 9.

Ukoliko Izvršilac usluga otkazuje Ugovor, dužan je zastupati interese Ugovornog organa još 30 (trideset) dana, dok Ugovorni organ ne obezbijedi drugog Izvršioca usluga.

Član 10.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

IZVRŠILAC USLUGA

ADVOKAT
SAMIR ČENGIĆ
Sarajevo, ul. Pruičakova br.14

Broj: _____

Datum: 27.10.2017g.

UGOVORNI ORGAN

Broj: 11-1458-4/17

Datum: 24.10.2017.godine